

Ո Ր Ո Շ ՈՒ Մ Թ Ի Վ 362 /6
/վարչական տույժ նշանակելու մասին/

«07» մայիս 2020թ

ք. Վանաձոր

ՀՀ ՊԵԿ Արևելյան մաքսատուն-վարչության պետ Գարիկ Դարբինյանս, ուսումնասիրելով Մհեր Մարջանյանի /անձն. AS0297092, ՀՀ ք. Երևան Անդրանիկի 55.բն.44/ կողմից մաքսային կանոնների խախտման վերաբերյալ նյութերը,

Պ Ա Ր Զ Ե Ց Ի

Հայաստանի Հանրապետության քաղաքացի Մհեր Մարջանյանի անվամբ 10.09.2018 թվականին թիվ 05100033/100918/0008532 ապրանքների հայտարարագրով «Ժամանակավոր ներմուծում» մաքսային ընթացակարգով 1 ամիս ժամկետով ՀՀ տարածք է ներմուծվել 300 կգ ընդհանուր քաշով, 96938 ՀՀ դրամ մաքսային արժեքով պլաստմասե օգտագործված արկղեր: Նշված ապրանքի ժամանակավոր ներմուծման վերջնաժամկետ սահմանվել է մինչև 10.10.2018 թվականը, սակայն նշված ապրանքի հետագա արտահանման պարտավորությունը չի կատարվել:

Փաստի առթիվ ՀՀ ՊԵԿ Արևելյան մաքսատուն-վարչության Բազրատաշենի մաքսային կետ-բաժնի գլխավոր մաքսային տեսուչ-իրավաբանի կողմից 01.04.2020 թվականին Մհեր Մարջանյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի հատկանիշներով: Նշանակվում է գործի քննություն 07.05.2020 թվականին ժամը 12:00-ին:

Գործի քննության շրջանակներում 01.04.2020թ. թիվ Ն/22-4/49821-2020 գրությամբ հարցում է կատարվել ՀՀ ՊԵԿ մաքսատուն-վարչություններ, Մհեր Մարջանյան /անձն. AS0297092/Ա/Հ թիվ 05100033/100918/0008232 ՀՀ ժամանակավոր ներմուծված /ԱՏՏԳԱԱ 3923100000000000 ծածկագրով/ պլաստմասե արկղերը այլ ընթացակարգով ձևակերպվել են թե ոչ:

Պատասխան գրությամբ հայտնվել է, որ նշված ապրանքները մաքսատուն-վարչություններում չի ձևակերպվել:

ՀՀ ՄՕ 219 հոդվածի 2-րդ մասի ուժով սույն վարչական գործը քննվում է վերջինիս բացակայությամբ /Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս/:

Ըստ ՍԷԿՏ համակարգի վերջինս Հայաստանի Հանրապետությունից դուրս է եկել 01.04.2020 թվականին:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

ԵՏՄ մաքսային օրենսգրքի 219-րդ հոդվածի 1-ին մասի համաձայն /այսուհետ՝ Օրենսգիրք/ «Ժամանակավոր ներմուծում (թույլտվություն)» մաքսային ընթացակարգն օտարերկրյա ապրանքների նկատմամբ կիրառվող մաքսային ընթացակարգ է, որին համապատասխան այդ ապրանքները ժամանակավոր գտնվում և օգտագործվում են Միության մաքսային տարածքում, պահպանելով ապրանքներն այդ մաքսային ընթացակարգով ձևակերպելու և այդ մաքսային ընթացակարգին համապատասխան դրանք օգտագործելու պայմանները՝ ներմուծման մաքսատուրքերի, հարկերի մասնակի վճարմամբ և առանց հատուկ, հակազնագցման, փոխհատուցման տուրքերի վճարման կամ առանց ներմուծման մաքսատուրքերի, հարկերի վճարման և առանց հատուկ, հակազնագցման, փոխհատուցման տուրքերի վճարման:

Օրենսգրքի 221-րդ հոդվածի 1-ին մասի համաձայն՝ «Ժամանակավոր ներմուծում (թույլտվություն)» մաքսային ընթացակարգի գործողության ժամկետը չի կարող գերազանցել 2 տարին՝ «Ժամանակավոր ներմուծում (թույլտվություն)» մաքսային ընթացակարգով ապրանքները ձևակերպելու օրվանից սկսած, կամ Հանձնաժողովի կողմից սույն հոդվածի 2-րդ կետին համապատասխան սահմանված ժամկետը:

Նույն հոդվածի 4-րդ մասի համաձայն՝ «Ժամանակավոր ներմուծում (թույլտվություն)» մաքսային ընթացակարգի՝ մաքսային մարմնի կողմից սահմանված գործողության ժամկետն անձի դիմումի համաձայն կարող է երկարաձգվել՝ մինչև այդ ժամկետը լրանալը կամ լրանալուց հետո 1 ամսից ոչ ուշ՝ տվյալ մաքսային ընթացակարգի՝ սույն հոդվածի 1-ին կետով նախատեսված կամ Հանձնաժողովի կողմից սույն հոդվածի 2-րդ կետին համապատասխան սահմանված տվյալ մաքսային ընթացակարգի գործողության ժամկետի սահմաններում:

Վարչական վարույթի շրջանակներում հարցում է կատարվել ՀՀ ՊԵԿ աշխատակազմի մաքսատուն-վարչություններ՝ նշված ապրանքը ձևակերպված լինելու վերաբերյալ տեղեկատվություն ստանալու նպատակով: Ի պատասխան հայտնել են, որ նշված ապրանքի վերաբերյալ որևէ մաքսային գործառնություն չի կատարվել:

Վարչական մարմինը ուսումնասիրելով Միեր Մարջանյանի նկատմամբ հարուցված վարչական վարույթի նյութերը գտնում է, որ Միեր Մարջանյանի արարքում առկա է ՀՀ ՄՕ 199 հոդվածի հատկանիշներ: Վերջինս ցուցաբերել է անգործություն և չի օգտվել օրենքով իրեն

վերապահված արտոնությունից՝ չի դիմել վարչական մարմին <<Ժամանակավոր ներմուծում>> մաքսային ընթացակարգի ժամկետը երկարաձգելու խնդրանքով: Միևնույն ժամանակ չի կատարել վերոնշյալ ապրանքի վերաարտահանման պարտավորությունը կամ նշված ապրանքը չի ձևակերպել օրենքով նախատեսված այլ մաքսային ընթացակարգով:

Ըստ ՀՀ ՊԵԿ Արևելյան մաքսատուն-վարչության ՄԳ բաժնի կողմից ներկայացված 29.04.2020թ. թիվ Ն/22-1/64082-2020 զեկուցագրի՝ 300 կգ պլաստամասե օգտագործված արկղերը <<ներքին սպառման համար բացթողում>> մաքսային ընթացակարգով ձևակերպելու դեպքում կառաջանան մաքսային վճարներ՝ մաքսատուրք՝ 6301 ՀՀ դրամ, ԱԱՀ՝ 20648 ՀՀ դրամ և քնապահպանական վճար՝ 1939 դրամ:

Ելնելով վերոգրյալից և ղեկավարվելով ՀՀ մաքսային օրենսգրքի 221 հոդվածով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար ՀՀ քաղաքացի՝ Միեր Մարջանյանին ենթարկել վարչական պատասխանատվության՝ տուգանելով 50000 ՀՀ դրամի չափով:
2. Որոշման մասին հայտնել Միեր Մարջանյանին՝
3. Պարզաբանել, որ որոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշմամբ նշանակված տուգանքի վճարման հաշվեհամարն է. 900005024055՝

(Արևելյան մաքսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ՝



Գ. ԴԱՐԲԻՆՅԱՆ